



**R. P. Sebastiani Izquierdo Alcarazensis Societ. Iesv Regii
Senatvs S. Inqvisitionis Hispaniarvm Qualificatoris, Et
Olim Complvti Sacræ Theologiæ Professoris. Opvs
Theologicvm, Iuxta atque ...**

Vbi De Essentia Et Attribvtis Divinis Vbertim Disseritvr ...

Izquierdo, Sebastián

Romae, 1664

Disptatio XXII. De Nominibus Dei.

[urn:nbn:de:hbz:466:1-76990](#)

iuxta dicta disp. 20. c. 4. sive citata.

77 Catera, quæ hic de visione intuitiâ Dei quæri, & examinari possent, quod magis statum beatificum videntiam Deum videantur concerne, ad tractatum de Beatitudine remittuntur,

Intenderunt etenim commercium hominum iuxta Arist. in Polit. Plat. in Cratil. & omnes, quod maxime in communicatione, & manifestatione cognitionum internarum consistit. Sed ita intelligendum, ut ex primariâ intentione intendant significare res prout cognitâ. Quod est, intendere significare vtrumque res scilicet, & earum internas cognitiones, res tamen direcâ, cognitiones vero in obliquo, sive de connotato. Quo sit, ut voces diuerso modo res, atque earum cognitiones significant, pro rebus subinde, non item pro cognitionibus accipiuntur, ut bene Arist. lib. I. Elench. cap. I. Significant itaque signa vocalia conceptus obiectuos direcâ, formales vero indirecte, sive de connato, vt resque tamen immediate. In quo differunt a signis scriptis, qui eisdem pariter non immediate, sed medijs vocalibus significant, ut pluribus loco citato Pharis explicatum est.

Suppono quartâ, dissidium esse inter Doctores, an perfectio, sive claritas significationis verborum, atque adeo loquutionis taxanda sit penes perfectionem, sive claritatem cognitionis loquentis, an potius audientis. Primum affirmant Soaz. Fafol. & alii. Secundum Molin. Varg. & alii locis infra citandis. Ego cum Vazq. arbitror primâ, dissidium hoc potius esse de nomine, quam de re. Nam apud vtriusque sententia. Autores supponit, esse possibile, ut loquens per signum vocale à se prolatum de obiecto, quod ipse cognoscit abstractuè, & obscurè, excaret in audiente cognitionem intuitiavam, & claram de eodem obiecto; vel vice versa. Vtrum autem huiusmodi signum dicendum sit significare tale obiectum obscurè, & alter, quam est in se; et quod sic cognoscitur à loquente; vel potius significare illud clare, & sicuti est in se; et quod sic cognoscitur ab audiente; vel è conuerso; dumtaxat videtur esse quæstio de nomine. Circa quam arbitror secundâ, rationalitatem, & veritatem loqui. Autores secundâ sententia. Quoniam significatio signi vocalis in vi consistit, quam illud ex sui institutione habet ad excitandam mente audiens cognitionem rei, quam significat. Vnde penes cognitionis excitata obscuritatem, vel claritatem videtur eius significatio obscura, vel clara dicenda. Cury enim signum iuxta definitionem receptam ab omnibus ex August. lib. 2. de doctrin. Christ. cap. I. & lib. de princip. Dialect. cap. 5. sit. Quod se ipsum sensu, & præter se, aliquid animo ostendit. Scilicet illius cognitionem in animo excitando, seu quoquo modo procreando: et profecto obseruans, vel claris dicendum est signum ostendere, sive significare animo id, cuius est signum, quod obscuriorum, vel clariorem illius cognitionem in animo ipso excitauerit, seu quoquo modo procreauerit. Atque ita, quando signum vocale intellectum audiens excitat ad cognitionem intuitiavam, & claram rei, quam significat, tunc sane dicendum est illud clare eam, & sicuti in se est, significare tali intellectui. Obscurè vero, & alter, quam est in se, quando ad cognitionem eius abstractiavam, obscuramente excitauerit. Quidquid sit in vitroque casu de cognitione, quam de tali re habet, qui profert signum, sive loquitur. Nec valet quod Adversarij dicunt, per accidentem scilicet se habere, quod audiens talem, aut talē cognitionem concipiat de re significata per signum: quandoquidem signum in ratione signi non minus, imo magis per se, & essentialiter referatur, ordinaturque ad apidem.

DISPUTATIO XXII.

De Nominibus Dei.

ADICIMUS disputationem hanc ceteris praesentis Tractatus veluti appendicem eam; tum quia dicenda in ea pauciora sunt, quam ut peculiarem Tractatum postulent; tum quia nominatio, sive loquuntur de obiecto cognito quodammodo annexa est cognitioni eius. Congruumque propterea videtur, ut disputationibus de principiâ Dei cognitione, qualis visio beatifica est, disputationem annexamus de eiusdem Dei nominatione, sive passiuâ eloquione.

QVAESTIO I.

Verum Deus sit innominabilis, sive ineffabilis. Et qualiter.

SUPPONO primâ, nominare obiectum cognitionis, sive de eo fari, seu loqui, aliud non esse, quam per signa vocalia aut ore prolatâ, aut scripta audientibus, aut legentibus signa ipsa illud significare. Id quod quatuor modis, quod ad rem attinet, potest contingere. Primo, si tam loquens, quam audiens cognoscant obiectum abstractuè, sive per species alienas, vt nos pro presenti statu cognoscimus Deum, & alia pleraque. Secundo, si tam loquens, quam audiens cognoscant obiectum intuitiue, sive per species proprias, vt Beati cognoscunt Deum, & alia multa. Tertio, si loquens cognoscat obiectum abstractuè, & audiens intuitiue. Quartò vice versa, si loquens cognoscat obiectum intuitiue, & audiens abstractuè.

Suppono secundâ, in mente cuiusvis cognoscens duplum solere distingui conceptum, formalem scilicet, & obiectuum. Formalis est ipsa cognitionis; obiectuum autem est obiectum per eam cognitum.

Suppono tertio ex dictis iam à me in Pharo Scient. disp. 18. q. 2. divisi. I. et si nonnulli, ut Fafol. I. p. q. 13. art. 1. n. 1. Veken. disp. 15. n. 1. & alii censeant, per signa vocalia primario, & immediate significari conceptus formales, obiectuos autem, sive res cognitae secundario, & mediatè; communem tamen, & veram sententiam esse, vt res significari immediatè: ita tamen ut obiectui primario, & directe, formales vero secundario, & indirecte significantur. Quod certe non ita intelligendum est, (sicuti multi intelligunt, cum quibus Recupit. lib. 6. q. 41. n. 6.) ut imponentes significacionem vocibus solum intendent, per eas significare res cognitae; indeque præter intentionem sequatur, ut ipsas etiam cognitiones significant. Hoc namque falsum est.

tem, quād ad loquentem, vt satis ex se est notum. Suppono quinto, dissidium etiam esse inter Auctores, an, quando signum vocale non valeret in audiēte excitare cognitionem rei, quam significat, quod illa aliunde supponatur, dici nihilominus possit medio tali verbo cum tali audiēte loqui, qui profert ilud. Affirmant Vazquez, & Fasolus, Negant Auerla, & Denkennis vbi infra. Ego autem dico, si proferens signum vocale nullam medio illo cognitionem valeat excitare in audiēte, praterquam ipsius signi, nullatenus dici posse loqui cum eo, quia nihil in tali casu potest illi significare significatione propriā signi, qualis ad loquitionem requiritur. Quid nihil ei, prater signum ipsum, possit ostendere: sitque de ratione signi offendere aliquid, prater se, iuxta ipsius definitionem, nuper statutam. Si vero proferens signum vocale medio illo valeat excitare in audiēte cognitionem, non quidem rei significata per signum, sed conceptus formalis significati etiam indirecte per ipsum iuxta dicta suppositione terrā, quam de re ipsa proferens ipse in mente habet, tunc quidem ille talem suum formalem conceptum significare audiebit, atque adeo eloqui dicetur: non verō rem ipsam. Talisque propterea loquatio veluti dimidiata loquutio erit. His suppositis sit.

Propositio I.

Certum secundum fidem est, Deum, esse ineffabilem.

Est enim definitum in Concil. Later. prout habetur in cap. Firmiter de Summa Trinit. & Fide Cath. sic. Firmiter credimus, & simpliciter confirmur, quod unus solus est verus Deus, aeternus, omnipotens, & immutabilis, comprehensibilis, omnipotens, & ineffabilis. Et colligitur ex Scripturā diligenter Genes. 32. Cur queris nomen meum? Iudic. 13. Cur queris nomen meum, quod est mirabile? Prou. 30. Quod nomen est eius, & quod nomen eius, si nosti. Et Ecclesiasti 43. Multa dicemus, & deficiemus in verbis, consummatio autem sermonum, ipsi est in omnibus. Id quod testantur, & prædicant, sepiusmèque repetunt Patres; imo & priisci Philosophi. Quotum omnium plurima testimonia congruit Fasol. 1. p. q. 13. art. 1. dub. 1. Recup. 1. 6. de Deo q. 41. cap. 1. & Pataui. lib. 8. Theol. dogm. cap. 6. & 7. apud quos poterunt videti.

Dicitur autem Deus esse ineffabilis, sive innominabilis, non quia simpliciter, & abolutè sit impossibile loqui de illo, sive illum nominare. Cum nihil apud homines sit frequentius, quam de Deo loqui, cum invocare, & multis variam nominare; pasimque legantur in Scripturis nomina Dei, de quibus etiam saepe disserunt Patres, integrumque librum scripsit D. Dionysius de diuinis nominibus; sed quia, vt communiter exponunt Theologi, Viatores inter se nec Deum eloqui, nec ipsum nomine aliquo clare, & sicuti est in se, exprimere, sive significare possunt; hoc ipso, quod nec possunt ipsum, dum sunt in Via, clare, & sicuti est in se, cognoscere, sive intueri. Quandoquidem ad loquendum de Deo, ipsumque nomine aliquo significandum clare, & sicuti est in se, aut loquens, aut audiens, aut vterque deberet il-

lum clare, & sicuti est in se, atque adeo intuitivè videre iuxta dicta suppositione quartā. Itaque respectu Viatorum tam Angelorum, quād hominem prout colloquientur inter se Deus est ineffabilis, sive innominabilis, sive non significabilis nomine vlo clare, & sicuti est in se. In quo conueniunt omnes Theologi. Alter est præterea Deus omnino ineffabilis proutloque innominabilis respectu omnium creaturarum, etiam invenitum, sicuti est, nomine scilicet significante, ipsum comprehendens. Quia talis significationis incapax est omnis creatura, eo ipso, quod est incapax comprehendendi Deum iuxta articulum fiduci, statutum disp. 17. q. 5. De qua ineffabilitate, Dei loquuntur August. epist. 42. ad Madarenenses post medium dicens, Est quiddam inuisibile, sumnum, aeternum, incommutabile, & nulli effabile, nisi tantum sibi. Et Damasc. lib. 1. Fidei cap. 16. dicens, Cum Deus incomprehensibilis sit, nomine quoque prorsus caret. Aufelm. item, dum ait in Monolog. cap. 62. Deum id est ineffabilem, quia penitus non potest comprehendendi. In quo etiam, præter alios Patres, prorsus conueniunt omnes Theologi.

Est tamen inter illos controvērsia primò, an possint Viatores nominare, sive nomine aliquo significare Deum clare, & sicuti est in se, non quidem alijs Viatoribus, sed Beatis vienitribus ipsum, sicuti est. Negant Soar. lib. 2. de Attribut. cap. 3. & in Metaph. disp. 30. sec. 13. Fasol. 1. p. q. 13. art. 1. dubit. 1. Recup. lib. 6. de Deo q. 41. cap. 1. Quiros in comm. dicti art. 1. cum alijs præsertim Thomistis. Affirmant vero cum Scotiis, & Nominalibus. Molin. 1. p. q. 13. art. 1. disp. 12. Vazq. disp. 57. cap. 2. Veken. disp. 15. de Deo cap. 1. & alijs. Secundò controvērsia potest, an vice versa?

Beati possint eloqui Deum; ipsumve nomine aliquo significare Viatoribus, sicuti est in se. Negant vbi supra Fasol. dubit. 13. Vazq. cap. 3. Recup. cap. 2. Veken. & alij communiter. Neque vilium reperi, qui citata hunc casum doceat oppositum.

Tertiò controvērtitur, vtrum Beati inter se ipsos possint Deum eloqui, ac nominare, sibique inuicem nomine aliquo, ut in se est, significare. Affirmant Soar. Vazq. Fasol. Recup. Quiros, & Vekenus locis citatis, aliquę commemorati communiter. Negant tamen quidam Thomiste relati à Vazq. cap. 3. citato n. 2. 1. & ex Recentioribus Auerla 1. p. q. 13. sec. 2. Derken. n. 13. & alijs.

Quarto controvērtitur, an possit Deus nominari, sive aliquo nomine significari comprehendens aut à creaturis, aut à se ipso. Conveniuntque omnes, vt iam diximus, tale nomen, comparatione creaturarum dari non posse, vtpote à quibus Deus omnino incomprehensibilis est. Comparatione tamen ipsius Dei tale nomen esse possibile, affirmant Martinon disp. 8. de Deo sec. 1. Quiros, atque Vekenus supra. Negant tamen Vazq. n. 23. Fasol. n. 16. & alijs.

Porro qua ratione in omnibus prædictis causibus potest Deus creaturis, seu viatoribus, seu beatis per nomen aliquod significari ab alijs creaturis, eadem eisdem posse significari à se ipso certum est apud omnes. Vtrum vero Deus possit sibi ipse, aut à creaturis, aut à se ipso per nomen, aliquod significari, sub opinione est positum. Nam id negat Vazq. n. illo 23. & 24. Affirmant vero saltem illi, qui docent, per aliquod nomen pos-

posse Deum sibi ipsi comprehensiōē signifi-
cari.

Propositio 2.

14 Iuxta ordinariam Dei prouidentiam, non possunt Viatores nominare, seu nomine aliquo significare Beatis Deum, sicuti est in se, si visio beatifica est actus permanens, vt ex citatis Auctoribus censem plerique.

Hæc propositio est contra Molin. Vazq. & alios sua sententia. Eam tamen non probo, vt Soar. Fasol. & alij, qui illam tenent, ex eo, quod perfectio significatio verborum sic taxanda penes perfectionem cognitionis, quam de rebus significandis habet, qui loquitur: eoque titulo Viatores non intuentes Deum, sicuti est in se, neutquam eum, sicuti est in se possint ullis alijs, etiam Beatis significare. Non, inquam, probo propositionem ex isto principio, vt pote, quod à me est reiectum, & oppositum statutum suppositione quartæ. Sed eam probo. Quia iuxta ordinariam Dei prouidentiam per suam nominationm, sive loquitionem de Deo non possunt Viatores excitare, aut aliquo modo causare in Beatis nouam aliquam visionem de Deo, sicuti est in se, distinctam ab ea, quam ipsi prahabent aliunde (vt supponitur) permanenter. Et dico non potest significare alteri, aut eloqui ipsi rem alias significatam per signum is, qui tale signum proferendo non valeret in altero viam nouam talis rei cognitionem excitare, sive causare; vt statui suppositione quintæ cum Auersâ, & Derkennis. Qui subinde circa præsentem propositionem pro me stare censendi sunt.

15 Obijci tamen contra illam potest ex Vazq. n. 20. & Fasol. n. 15. Ut proferens nomen rei significatiuum verè dicatur eam audienti significare, de eaque cum ipso loqui, sat est, quod audiens excitetur ad cognoscendum, esse talem rem in mente proferentis nomen, & ipsum nomen esse illius significatiuum; quin excitetur ad nouam aliquam ipsius rei cognitionem, quam ipse aliunde non prahaberet. Igitur poterunt Viatores verè significare Beatis Deum, vt est in se, per nomen aliquod à se prolatum; etiam si ad nullam Dei nouam visionem excident illos. Nego antecedens. Quia, qui per nomen à se prolatum non facit audientem venire in cognitionem rei, cuius illud est signum, ei reverā nec significat, nec eloquitur talem rem; tametsi significet, & eloquatur conceptum suum formalem, aut etiam nominis significatiūm de illâ, iuxta dicta suppositione quintâ. Quæ quidem duo, eti ad rem ipsam respectiva, denuò ab audiente posse cognosci, ipsâ re non cognitâ denuò, sed cognitione eius antiquâ ad id subseruente, ex generali doctrinâ de cognitione relationis, & termini traditâ à nobis in Pharo Scient, disp. 2. q. 3. confess. 3, notum est.

16 Dixi in propositione, iuxta ordinariam Dei prouidentiam. Quia si Deus lege aliqua extraordinariâ prouideat, vt per loquitionem Viatoris exciteur in Beato noua aliqua visio Dei, alias non excitanda, diuersâ à beatifica præhabitâ ab ipso, & permanente, iam nihil desiderabitur, quomodo Viator propriè dicatur Deum eloqui, & significare Beato, vt constat ex dictis.

Dixi etiam, si visio beatifica est actus permanens, Nam si est actus successivus, vt ego ce-
re, & disp. 21, q. 5, probau, etiam iuxta ordi-
nariam Dei prouidentiam poterit Viator propriè
Deum eloqui, & significare Beato, sicuti est in-
se: qui poterit suâ loquitione concurrere ad
causandam in Beato eam visionem partiale-
m Dei, quæ producitur in ipso Beato quo tempore
illi Viator loquitur. Imo de facto ita sape eue-
nire putandum proculdubio est. Sape enim evenit
de facto, vt Viatores suas ad Beatos dirigant
orationes, & preces, quibus corum apud Deum
pro aliquibus donis impetrandi intercessionem
obtineant, Interimque cum illis de Deo ipso lo-
quuntur, aut illis attributa eius representando,
aut eum laudando, aut alteri ipsum eloquio suo
proponendo. Quibus in casibus, cum iste Via-
torum orationes, & loquitiones è genere eo-
rum obiectorum sint, quæ à Beatis successu tem-
poris intuitu in Verbo videntur, atque adeo
per visionem beatificam, iuxta doctrinam stabili-
tam disp. 20. q. 4. Idque fuit, vt ibi diximus pro-
posit. 8. & rursus disp. 21. q. 5, circa finem, pro-
ductis in mentibus Beatorum, quæ tempore
talia obiecta sunt ab eis cognoscenda, visionibus
partialibus, quæ Dei simul, & ipsorum obiecto-
rum visiones sint, & ad quas subinde producen-
tas iuuent eorumdem obiectorum species im-
pressæ: consequens est, vt dictæ orationes, atque
loquitiones Viatorum ad eas partiales Dei, &
sive visiones concurrant, quibus Dens simul, &
illæ à Beatis videntur, quo tempore ipse ad
Beatos ipsos Viatoribus diriguntur. Quo nihil
debet, quoniam propriissime per illas Viatores
Beatis dicantur significare, & eloqui Deum, sicuti
est in se.

Ex dictis circa præsentem propositionem in-
fertur, Viatores alij etiam Viatoribus posse
nominare, sive nomine aliquo significare Deum
clarè, & sicuti est in se, tum quiditatim, tum
etiam existentialiter, interueniente aliqua Dei
extraordinariâ prouidentiâ. Quia ex una parte
possibilis est cognitione quiditatua Dei clara, &
per propriam speciem habita, quæ non sit strictè
intuitu, neque visio beatifica, vt ostendimus
disp. 17. q. 3. Tum cognitione clara, & per pro-
priam speciem habita de Deo prout existente,
quæ non sit de eodem vt præsente, atque adeo
nec visio beatifica, iuxta dicta ibidem q. 4. Tum
denique visio Dei intuitu, quæ defectu perpe-
tuitatis non sit beatifica, iuxta dicta disp. 21. q. 5.
num. 46. Quibus proinde cognitionibus non
extraherentur habentes illas ab statu Viatorum.
Ex alia verò parte, nihil est, quod vetet, per
prouidentiam aliquam extraordinariam Dei res
ita disponi, vt per loquitionem de Deo aliquis
Viator cum altero excitetur aliquo modo, seu
generetur in audiente aliqua ex predictis co-
gnitionibus claris, & per species proprias de ipso
Deo. Quo casu nihil desiderabitur, quoniam ta-
lis Viator per talem loquitionem propriè dica-
tur alteri nominare, significare, & eloqui Deum
clarè, & sicuti est in se, aut quiditatim, aut
existentialiter, iuxta naturam cognitionis in-
audiente ipso excitata, vt fatis superque ex di-
ctis compertum est.

Propositio 3.

19 Beati iuxta ordinariam Dei prouidentiam non possunt eloqui Deum, ipsumve nomine aliquo significare Viatoribus, sicuti est in se.

Ita tenent omnes, ut vidimus n. 10. Ratio autem est. Quia iuxta ordinariam Dei prouidentiam non possunt Viatores cognoscere Deum, sicuti est in se. Per nullumque signum proinde potest Deus illis, sicuti est in se, manifestari, siue offendiri, siue significari.

20 Vnde infero contra Soar. Fasol. Recup. & alios sua sententia citatos n. 9. incósequenter eos videri loquutos, dum propositionem istam vna miter statuunt: cum antea docuerint, ut dicemus suppositione quartâ, perfectionem, siue claritatem significacionis verborum, atque adeò loquutionis penes perfectionem, siue claritatem cognitionis non audientis, sed loquentis pensandam esse. Hoc enim posito, consequenter videbatur dicendum, Beatos benè posse Viatoribus eloqui, nominare, atque significare Deum, sicuti est in se: quandoquidem ipsi loquentes eum, sicuti in se est, intuentur; quidquid sit de cognitione eiudem per loquutionem ipsorum excitandâ in auditibus. Ex quo etiam patet, quām sit coherentior doctrinæ omnium communis propositionis presentis ea, quam nos suppositione, illâ quartâ elegamus, & statuimus.

Propositio 4.

21 Beati, resumptis corporibus, vicissim per signa vocalia poterunt connaturaliter loqui de Deo, ipsumque sibi inuicem nominare, seu nomine aliquo significare, sicuti est in se. De factoque subinde id præstabunt.

Hæc propositio, quæ fere omnium est Theologorum, probari solet imprimis ex illo Zacharia 14. In die illâ erit Dominus unus: & erit nomen eius unus. Loqui enim Prophetam his verbis de statu futuro beatitudinis multorum Interpretum sententia est. E quibus S. Th. lib. I. contra Gent. cap. 31. ait. Si ipsam essentiam prout est, possemus intelligere, & et nomen proprium adaptare, uno nomine tantum eam exprimeremus. Quod præmittitur his, qui cum per essentiam videbunt Zacharia ultimo. In die illâ erit Dominus unus: & nomen eius unus. Et Lyraus ad eundem locum. Erit, inquit, nomen eius unus. In presenti enim nominatur a nobis pluribus nominibus: quia nominamus eum, sicut cognoscimus: in cognitionem autem Dei deuenimus ex perfectionibus creaturarum, quæ sunt plures, & distinctæ. Sed in Patria video sur per se ipsum immediate: & sic nominatur uno simplici nomine ab una simplici perfectione.

22 A ratione autem facilè venit propositio probanda, supposita sententia nostrâ de successione, essentiali visionis beatifica, iuxta dicta iam in simili circa proposit. 2. Cum enim ex una parte singulis momentis in mente vniuersu[m]que Beati nouæ visiones Dei partiales produci debeant: ex alia verò per easdem sicut ab eo successiu[m] evidenda in Verbo ea obiecta, quorum successiu[m] intuitio debetur ipsi ratione status, è quorum nu-

mero sunt loquutiones aliorum. Consequens est, vt loquutiones istæ ad eas visiones partiales Dei, & sui ipsarum concurrant, quæ in mente Beati producuntur, dum ipsa existunt. Quoniam nihil desiderari potest, quominus per eas prop̄missimē ipsi Beato alijs Deum, sicuti est in se, eloquantur, & nominent, seu nomine aliquo significant.

Id quod non facilè potest componi iuxta sententiam, quæ ponit esse permanentem, immutabiliusque semper durantem visionem beatificam. Hoc namque posito, non poterit unus Beatus, saltem iuxta prouidentiam Dei ordinariam, suâ loquutione excitat, siue cauflare in altero nouam aliquam visionem Dei: & consequenter nec ipsi Deum, sicuti est in se, vlo nomine significare propriæ, siue nominare, siue eloqui; prout dictum iam est etiam in simili circa proposit. 2. Quo iure Aueria, & Derkennis citati n. 11. propriam nominationem, propriamque colloquutionem de Deo, sicuti est in se, negant etiam Beatis. Quod tamen valde durum videtur: tum quia contra consensum communem Theologorum, aut etiam Patrum: tum quia ad complementum beatitudinis hominum videtur, resumptis corporibus, proculdubio spectare, quod inter se conuersantes dulcissima de suo Deo colloquia, eaque propria, cum sibi placuerit, possint miscere. Quo circa, siquidem hoc cum sententia nostrâ de successione visionis Dei aptissimè coheret, ut vidimus, ea utique vel hinc etiam non parum confirmari censenda est.

Propositio 5.

Creaturæ rationales siue beatæ, siue viatores benè possunt nominare, seu nomine aliquo significare comprehensiū Deum ipsi Deo.

Quia ex una parte possunt loqui cum Deo de Deo ipso, vt est manifestum. Ex alia verò parte talis loquutio non poterit non excitare in intellectu diuino actum scientiæ, qui simul, & indiuisim sit comprehensio tum Dei, tum ipsius loquutionis, iuxta doctrinam vniuersalem tradendam in tract. de Scient. de diversitate actuum scientiæ diuinæ. Quo nihil decriit, quominus talis loquutio sit loquutio cōprehensiū Dei comparatione ipsius Dei illam audientis; prout constat ex dictis. Etenim, vt ex dicendis ibi apparebit, circa quodcum coniunctum plurium obiectorum indiuisim sumptum datur in Deo actus scientiæ, etiam comprehensiū, virtualiter distinctus ab actibus singularium partium eius: ad cuius proinde existentiam nequit non concurrere ea pars, quæ adjuncta alijs constituit, & complectit tale coniunctum. Vnde ad actum scientiæ comprehensiū coniuncti ex Deo, & ex loquutione de ipso ipsa loquutio concurredit, siue conuersu illam excite in intellectu diuino, necesse est. Quo nihil decriit, vt per eam loquens Deum ipsi Deo significet, & eloquatur comprehensiū, vt dicebam.

Deum tamen, se ipsum sibi per aliquod signum externum significare, siue eloqui, non videtur dici posse, propriæ loquendo: quia nullus videtur dici cum proprietate sibi se ipsum, aut quidpiam aliud per loquutionem externam loqui. Tametsi unusquisque propriæ dicatur per verba interna, siue mentalia mentaliter sibi loqui, quæ cunque intelligit. Quo pacto Deus etiam sibi

NNNN per

per suum internum, & eternumque Verbum loqui dicitur tum ipsum, tum cætera cuncta, quorum illud est verbum, prout latè exponitur à Theologis in tract. de Trinit.

Hic querunt aliqui, utrum ineffabilitas sit attributum proprium Dei, vel Dei simpliciter & creaturis commune sumptum abstractè. Ad quam questionem breviter respondeo primò, ineffabilitatem comprehendit respectus creaturarum attributum proprium esse solius Dei. Quia solus Deus est incomprehensibilis à creaturâ juxta dicta disp. 17. q. 5. & psp. 18. q. 13. Solusque Deus proinde respectu creaturæ est ineffabilis comprehensio. Respondeo secundò, ineffabilitatem intuitivam respectu creaturarum in eo gradu, in quo Deo conuenit, etiam esse attributum proprium solius Dei. Quia, licet Deus, & aliqua creatura in eo conueniant, quod intuitivè sint respectu naturæ ineffabiles naturaliter, & effabiles supernaturaliter; at ineffabilitas intuitiva Dei naturalis duobus ex titulis est præstantior ineffabilitate intuitivæ cuiusvis creatura. Primò, quod effabilitas Dei intuitiva longè est remotor à debito, & à proportione naturæ, quām effabilitas intuitiva cuiusvis creatura. Secundò; quod ea, quæ de Deo sunt effabilia, infinitè excedunt ea, quæ effabilia sunt de quavis creatura; in illorumque effabilitatibus nequitquam vñque ad comprehensiu potest ascendi, quemadmodum in horum potest. Quibus ex titulis Dens longè excellenter modo, quām illa creatura, venit censendis ineffabilis etiam intuitivè. Cæteraque ineffabilitas intuitiva secundum se, & abstractè sumpta non adeò est propria Dei, vt aliquibus creaturis paritet non conueniat: quemadmodum & invisibilitas intuitiva. Nam, vt Deus respectu Angelorum, & hominum naturaliter, non item supernaturaliter est ineffabilis intuitivè; ita aliqua supernaturales creaturæ respectu Angelorum, & hominum naturaliter, non item supernaturaliter sunt invisibiles intuitivè: quemadmodum, vt Deus ab Angelis, & ab hominibus naturaliter, non item supernaturaliter est invisibilis intuitivè; ita aliqua supernaturales creaturæ ab Angelis, & ab hominibus naturaliter, non item supernaturaliter sunt invisibiles intuitivè.

QVÆSTIO II.

Quenam alia de nominibus Dei impreseptiarum disquiri, examinarique soleant; aut etiam possint.

27 **Q**uoniam ex dictis tum in precedentibus disputationibus, tum maximè in Pharo Scient, facilimè expedienda venient, quæcumque de nominibus Dei discuti solent, aut etiam possunt, sub isto vniuersaliore quæstionis titulo per breves quæstiunculas illa proponere, atque expedire vñsum est.

28 Prinò igitur queritur, an aliqua nomina substantialiter, sive essentialiter, & aliqua accidentaliter dicantur de Deo. Supposita doctrina de predicatione essentialibus, accidentalibusque in vniuersitatem datâ in Pharo Scient. disp. 17. quæst. 7. Tum doctrinâ de concretis adiectiuis, & substantiis, deque eorum abstractis datâ etiam in Pharo

disp. 2. q. 4. consecr. 3. & 4. s. a. p. e. que aliâs. Necnon doctrinâ de prædicatis, sive attributis intrinsecis, semiextrinsicis, & extrinsicis Dei tradita supra disp. 2. q. 1. 2. & 3. Ac demum doctrinâ de immunitate Dei ab accidentibus physicis sibi intrinsecis, non verò à metaphysicis etiam supra disp. 11. q. 7. His, inquam, doctrinis suppositis, respondeo primò, nomina attributorum intrinsecorum Dei tum abstracta, tum concreta, & hec tum adiectiui, tum substantiæ sumpta substantialiter sive essentialiter dici de Deo, loquendo physice, seu realiter: quia significant quod physicè, seu realiter est indistinctum à substantiæ sive essentiâ physica Dei: loquendo verò metaphysice, seu formaliter, nomina abstracta eorumdem attributorum nullatenus dici de Deo; sicut nec concreta sumpta substantiæ (si nomine Dei, vi solet, subiectum huiusmodi concretorum cum precisione ab eorum formis significetur); sumpta tamen adiectiui de ipso dici accidentaliter; quatenus aliquid ipsi formaliter, sive metaphysice, sive per rationem nostram de connotato adiiciunt. Respondeo secundò, nulla nomina dici de Deo accidentaliter intrinsecè, loquendo physicè: quia nullum accidens physicum, & intrinsecum conuenit, aut conuenire potest Deo. Respondeo tertio, nomina attributorum semiextrinsicorum Dei tum abstracta, tum concreta, & hec tum adiectiui, tum substantiæ sumpta accidentaliter, metrinsicè dici de Deo, loquendo physicè, seu realiter: quia, præter id, quod appingunt Deo ab ipso physicè indistinctum, aliud quid distinctum, & extrinsecum adiiciunt ipsi de connotato: loquendo verò metaphysice, seu formaliter, perinde de his, ac de nominibus attributorum intrinsicorum philosophandum esse. Respondeo quartò, nomina abstracta attributorum extrinsicorum Dei nullo modo dici de Ipsi, tum physicè, tum metaphysice loquendo; sicut neque concreta substantiæ sumpta: hec verò sumpta adiectiui accidentaliter extrinsecè dici de Deo, tum physicè, tum metaphysice loquendo: quia vñro modo adiiciunt ipsi de connotato quidam extrinsecum. Respondeo quintò, si nomine Dei significetur idem, quod per aliud quodvis nomen aut vnius, aut plurium attributorum eodemque modo, vt fieri potest, fore vñque, vt tale vnius, vel plurium attributorum nomen substantialiter, sive essentialiter dicatur de Deo, tum physicè, tum metaphysice loquendo. Respondeo tandem, nomina, quæ accidentaliter dicuntur de Deo aliquo ex dictis modis, accidentaliter contingenter dici de illo, quoties id, quod adiiciunt ipsi, contingens est; accidentaliter verò necessari, quoties est necessarium. Quæ omnia satis superque conspicua fient recognoscendi, & recolenti omnes doctrinas, quas supponimus. Quocirca in eis explicatis non oportet morari.

Secundò queritur, an aliqua nomina dicantur de Deo propriè; idque sumpto propriè tum prout oppositum communiter, tum prout oppositum metaphorice. Respondeo primò, multa nomina dici de Deo propriè in primo sensu: nempe, quæcumque significant conceptum obiectuum proprium solius Dei; vt sunt, Deus, omnipotens, increatus, & alia huiusmodi prout significantia conceptus simpliciter veros, & non communes veris, & factis iuxta postea dicenda. Sed & multa etiam alia dici de Deo communiter; nimirum, quæcumque significant conceptum obiectuum Deo, & creaturis communem; vt bonus, sapiens, intel-

intellectus, voluntas, & similia. Respondeo secundò, multa nomina dici de Deo propriè in secundo sensu; ea videlicet quorum significata formaliter reperiuntur in Deo, ut sunt omnia commemorata. Sed & nonnulla etiam alia dici de Deo metaphorice; scilicet illa, quorum significata formaliter non reperiuntur in Deo; ipsi tamen nihilominus attribuuntur propter analogiam, quam habent cum eis, quæ in Deo sunt formaliter. Sic Deus leo, & ignis consumens dici solet: sic vice intellectus, quo Deus cuncta intuetur, & percipit, ipsi tribuantur oculi, tribuantur & aures: similiter tribuantur iracundia, paucitatem de facies, & alia huiusmodi; quæ in ipso formaliter non reperiuntur; habent tamen aliquam analogiam cum eis, qua formaliter ei conuenient. Videantur ad rem, quæ de analogia rerum diximus in Pharo Scient. disp. 17. q. 22. hypoth. 2. & disp. 31. q. 2. Quod autem nos pro statu præsenti cuncta insensata concipiamus per species alienas, atque adeò in substitutis alienis, sicut non obstat, quominus de illis, atque adeò de Deo, & rebus diuinis proprias cognitiones habeamus, prout latè explicatum est in Pharo Scient. disp. 2. q. 3. Ita neque obstat, quominus de Deo, & rebus diuinis proprios conceptus mente formemus, vocibusque significemus in duobus sensibus prædictis: tametsi obstat, quominus concipiamus ipsum Deum, resque ipsas diuinias, prout sunt realiter in se, & cōsequenter, quominus formemus de illis conceptus proprios in alio sensu, hoc est, conceptus per species proprias de eisdem, sicuti sunt in se habitos, quales habent Beati. Quibus proinde, p. r. nobis viatoribus, insuper possunt significari, Deus, resque diuina, sicuti sunt in se, atque adeò propriè in hoc tertio sensu, prout ex dictis in præcedentibus satis est notum.

30 Tertiò queritur, vtrum nomina, quæ dicuntur de Deo, synonyma sint. Certum est, apud nos, siue comparatione nostri pro statu præsenti non esse synonyma: quia significant conceptus obiectiuos aliqua ratione diuersos. Synonyma autem dicuntur ea, quæ cùm inter se sint diuersa, eundem significant, siue reperiunt conceptum obiectuum. Quomodo autem conceptus obiectui, qui dicuntur de Deo, obiectua scilicet Dei prædicata, siue attributa, sint inter se diuersa, ac distincta, superius disp. 2. q. 1. 2. & 3. tractatum est. De quo etiam vniuersalius, & latius egimus in Pharo Scient. disp. 3. q. 4. & seqq. Vbi ad rem multa videri possunt. Vtrum autem nomina attributorum Dei comparatione Beatorum, ipsiusque Dei synonyma sint, determinandum superest. Dico, nomina attributorum intrinsecorum Dei tam comparatione Beatorum, quam comparatione ipsius Dei synonyma esse: nomina verò attributorum extrinsecorum, & semiextrinsecorum, atque etiam intellectionum, & volitionum Dei non item. Ratio prioris partis est: quia significata nominum attributorum intrinsecorum Dei, eti apud nos diuersa, distinctione sunt formaliter, siue per rationem, tam apud Beatos, quam apud Deum videntes intuitu illa (eriam ex vi significations nominum iuxta dicta q. 1.) vnum quid prouersus, & idem sunt citra omnem penitus diuersitatem, aut distinctionem adhuc rationis, prout supra disp. 20. q. 1. & 2. statutum est ex dictis latius in Pharo Scient. dicta disp. 13. q. 11. & 12. Ratio autem posterioris partis est: quia significata nominum attributorum extrinsecorum, & semiextrinsecorum Dei ratione connotatorum di-

stinctorum à Deo, quæ includunt in conceptibus suis, realiter sunt inter se distincta, & diuersa; atque ita etiam apud Beatos, & Deum intuentes illa, prout sunt in se, manent distincta, diuersaque: apud quos etiam proinde non sunt synonyma nomina eorum. Intellectiones verò, & volitiones diuinæ quoad denominationem considerate sufficientem item diuersitatem habent, vt neque nomina eorum apud Deum, & Beatos synonyma sint, hoc ipso, quod alia sine alijs possunt ab illis vt sic videri intuituē, prout supra disp. 20. q. 3. exppositum est.

Quarto queritur, vtrum nomina, quæ de Deo, & creaturis dicuntur propriè, siue non metaphorice, de ipsis vniuocè dicantur. Respondeo, dici vniuocè, quando accipiuntur pro conceptibus obiectuis communibus Deo, & creaturis præcisè quoad id, quod formaliter habent commune, indifferensque ad vtramque partem. Secus, si accipiuntur pro illis prout aliquo modo determinatis ad partem alterutram. Est dicere si nomen substantia significet eam præcisè substantie rationem, quæ formaliter, siue per rationem nostram in omnibus substantiis est una, & cadem, tali significacione retentā, de Deo, & creaturis dicitur vniuocè. Secus verò, si quando dicitur de Deo, significet talē rationem prout aliquo modo ad Deum contractam, & quando dicitur de creaturis, eam significet prout aliquo modo contractā ad creaturas. Idemque est de ceteris huiuscmodi nominibus. Constat autem hoc ex latius dictis tum supra disp. 11. q. 5. tum antea in Pharo Scient. disp. 17. q. 22. Pro cuius subinde luculentiore intelligentia ea loca adeunda, atque recognoscenda sunt.

Quinto queritur, vtrum nomina, quæ de Deo, & creaturis dicuntur, per prius dicantur de creaturis, quam de Deo; vel vice versa. Respondeo, nomina, quæ metaphorice tantum, seu translatitè de Deo dicuntur, per prius dici de creaturis, vnde ad Deum translata sunt, quam de ipso Deo, vt est notissimum. Nomina verò, quæ non metaphorice, sed propriè de Deo, & creaturis dicuntur, catenū dici per prius de Deo, quam de creaturis quantum ad rem significatam, quatenus realitas conceptum obiectuorum, quos significant, Deo, & creaturis communum principium, siue præstantiū in Deo, quam in creaturis, reperitur. Quod respexisse videtur Apostol ad Ephes. 3. cum dixit, Huius rei gratia electi genua mea ad Patrem domini nostri Iesu Christi: ex quo omnis paternitas in celis, & in terra nominatur. Quantum verò attinet ad modum significandi, catenū talia nomina de creaturis per prius, quam de Deo plerunque dici, quatenus plerunque prius sunt imposita ad significandos suos conceptus obiectuos in creaturis, quam in Deo. Addo tamen, plerunque: quia aliquando sunt imposita ad significandos illos, quæ prius prout Deo simul, & creaturis conuenient, siue prout Deo simul, & creaturis communes sunt; aut etiam interdum ad illos significandos prius, prout in Deo, quam prout in creaturis reperiuntur.

Sexto queritur, vtrum nomina, quæ important relationem ad creaturas, dicantur de Deo ex tempore. Respondeo, aliqua dici ex tempore, & aliqua ab aeterno. Dicuntur ex tempore, quæ significant denominations ex tempore conuenientes Deo, eo quod ab aliquo extrinseco in tempore eueniente Deo proueniunt; vt, esse, creatorem creaturatum, siue creantem illas, esse, earum dominum, esse illis coexistentem, atque localiter, temporaliterque præsentem, esse ab eis

cognitum, amatum, &c. Ab aeterno autem dicuntur, quae significant denominations conuenientes Deo ab aeterno; eo quod a fundamentis prouenient valentibus Deum ab aeterno denominare, ut esse omnipotentem, sive potenter facere omnia possibilia esse sapientem, sive omnia scientem, esse volentem, esse prouidentem, esse praedestinationem, &c. Porro ex denominationibus respectivis Deo ab aeterno conuenientibus alia sunt, quae necessario conuenient ipsi, ut esse omnipotentem, esse scientem necessaria, &c, alia, quae contingenter, ut esse scientem contingentia, esse illa amantem, &c. Denominationes vero conuenientes in tempore, omnes sunt contingentes, praeter denominations existentis, sive praesentis in singulis partibus temporis imaginarij, quae successivae, necessarioque Deo prouenient ab ipsis partibus successivae, & necessario obuenientibus, qua ratione obuenient, iuxta naturam talis temporis a nobis explicatam supra disp. 8, q. 2. Iam vero cuiusmodi naturae sunt relations, quas iste denominations sive ab aeterno, sive in tempore Deo conuenientes important; an scilicet sunt relations connexionis, vel non connexionis; an sunt Deo intrinseca, vel secus; an sunt reales, vel rationis; & qualiter, ex dictis iam supra disp. 4, q. 2, vniuersalitatisque in Pharo Scienti disp. 12, q. 3, & tota disp. 14, satis super que notum est.

34 Septimo queritur, utrum nomen Deus sit nomen naturae. Respondeo, et si nomen Deus primitus derivatum sit ab actione vel prospiciendi, vel discurrendi, vel vrendi, prout explicat Vazq. 1, p. disp. 58, cap. 1, deinde tamen applicatum esse, deincepsque communiter usurpatum ad significandam naturam, sive substantiam, sive essentiam eius entis, quod appellatur Deus. Quoniam vero triplex essentia in eo considerari potest. Prima physica consistens in integra ipsius entitate physica realiter indubibili. Secunda theologica complectens in conceptu suo, quidquid tribus diuinis personis commune est, atque adeo solas earum proprietates excludens. Tertia metaphysica consistens in subiecto radicali omnium actuum, sive omnium predicatorum Dei, prout late expostum est supra disp. 1, q. 10. Scire opus est, nomen Deus ad quamlibet harum trium essentiarum directe significandam posse, solerisque usurpari. Dico autem directe, nam, etiam nos pro statu praesenti non possimus disiudicare, discernereque rerum essentias, nisi per actus obiectivos illis adiunctos, iuxta vniuersales doctrinas, quas dedimus in Pharo Scienti, de modo iudicandi nostro disp. 2, q. 4, de quiditate, atque varietate scientiarum disp. 9, q. 2, de modisque eas definiendi, sive explicandi disp. 37, q. 1, vnu venit, ut nomen cuiusvis essentiae non solum usurpemus ad significandam illam praeceps, atque adeo directe, sed sepe etiam ad significandum concretum ex illa, & ex aliquo, aut ex aliquibus actibus eius, significando illam etiam directe, & talem, aut tales actus in obliquo, aut etiam interdum directe. Sic nomen Deus tum pro ea re, quae creauit, & gubernat Mundum, tum pro ipso Creatore, Gubernatoreque Mundi solemus usurpare. Quod est utrum eo nomine tum ad significandam essentiam physicam Dei praeceps, tum ad significandum concretum ex illa, & ex actibus creandi, & gubernandi Mundum. Sic etiam idem nomen solemus sumere tum pro eo praeceps, quod est a se, & ceteris omnibus dat esse, aliasque innumeris in se perfectiones habet, tum pro ente a se, & dante.

esse ceteris omnibus, aliasque innumeris perfectiones habente. Quod est, ut dicto nomine, tum ad significandam essentiam metaphysicam, Dei praeceps, tum ad significandum concretum ex illa, & ex actibus essendi a se, dandi esse ceteris omnibus, & habendi perfectiones alias innumeris. Sic denique Theologi idem nomine Deus solent accipere tum pro essentia theologica Dei praeceps, tum pro supposito diuino dicente, insuper in conceptru suo aut aliquam, aut alias, aut omnes tres diuinis personalitates. Que omnia luculentiora fient recolenti vniuersales doctrinas datas locis citatis.

Octauo queritur, utrum nomen Deus sit communicabile. Respondeo primo, metaphysice, sive per translationem communicabile esse hominibus iustis, utpote qui eo titulo dicuntur participare aliquo modo naturam Dei, iuxta illud Psalm. 81, & Ioan. 10, Ego dixi Di eis. Respondeo secundo, si nomen Deus accipiatur pro Deo simpliciter vero, metaphoricè etiam, sive per translationem communicari illud Diis falsis, sive chymaricis, quatenus hi cum Deo simpliciter vero aliquam analogiam habent. Si tamen Deus accipiatur ut potest, pro concepitu Dei, qui vel cum exacta similitudine, & qualitate, vel etiam cum identitate formalis, sive logicā reperitur in Diis chymaricis, quam in Deo simpliciter vero, iuxta doctrinam datam a nobis in Pharo Scienti, disp. 11, q. 6, num. 151, & disp. 12, q. 1, num. 14, tunc cum proprietate communicabitur Diis chymaricis, quam in Deo simpliciter vero, proprius ve de omnibus, & non metaphoricè dicetur, prout ex dictis in precedentibus constat.

Nonò queritur, utrum nomen Deus de ijs, quibus communicatur iuxta dicta num. præced. dicatur vniuocè. Respondeo de Deo simpliciter vero, & de hominibus iustis analogice dumtaxat, non vero vniuocè dici, ut est notum; quemadmodum etiam de Deo simpliciter vero, & de Diis chymaricis, si pro illo singulatim sumatur in significacione propriæ. Si vero sumatur pro conceptu Dei communis omnibus, ut potest, iuxta dicta num. præced. de omnibus dicitur vniuocè, ut ex doctrina data in Pharo Scienti, locis ibi citatis constat; quæ ad rem videnda.

Dicimò queritur, utrum nomen Qui est sit Deo maximè proprium. Respondeo affirmatiuè. Quia est maximè aptum ad explicandam, atque adeo ad significandam essentiam diuinam, ut ex sacra Scriptura, & communi sententia Patrum, rationeque ostendimus supra disp. 1, q. 10, proposit. 6. Recognoscantur dicta ibi. Utrum autem nomen Qui est diuersum nomen Dei sit à nomine tetragrammaton Iehova tanti habito apud Hebreos, sub controversia est; quam discussiunt Molin. 1, p. q. 13, art. 11, & ibi Falol. & Vazq. disp. 59, Soar. lib. 2, de Attrib. cap. 2, Cornel. in cap. 3. Exodi vers. 15, & in cap. 6, vers. 3, & 4. Barrad. lib. 1, cap. 15, & alijs. Concluduntque cum Clemens. Alex. Theodoret. Ioseph. Pagnin. Galat. Lippoma. Eugub. Caiet. Genebr. Bellarm. Peret. & alijs, utrumque esse unum, & idem nomen, quod ad significacionem attinet. Probationes, quæ efficaces sunt, apud ipsos videri possunt.

Vndeclimo queritur, utrum propositiones affirmatiuæ possint formari de Deo. Respondeo, posse, & debere. Quia multi articuli fidei ex necessitate credendi per propositiones affirmatiuæ, easque non solum veras, sed certas secundum fidem, significantur, atque proponuntur homi.

hominibus, ut eos per iudicia fidei similiter affirmatiua credere possint; vt, Deum esse trinum, & vnum; esse summè bonum; esse omnipotentem, &c. Nec obstat veritati huiusmodi propositionum, & iudiciorum illis correspondentium, quod eorum obiecta ex subiecto, & prædicto apparent composita, cum tamen à parte tei sint vnum quid simplex omnino: quia huiuscenodi compositione merè logica, quæ re ipsa non datur, & à nostro modo concipiendi præciso, siue abstractio, à nostro modo affirmandi comparatio, & compositio necessariò venit orjunda, sub affirmationem non cadit, sed id tantùm, quod intellectus noster intendit media illa affirmare, verissimèque datur à parte tei. Vnde vulgatum illud promanauit Logicorum effatum. *Abstrahendum non est mendacium.* Videantur ad rem dicta in Pharo Scient. disp. 2. q.3. & 4. & disp. 13. q.9. Quomodo autem Beati iudicium affirmatiuum forment de Deo, omnimodis quidem verum, atque formale, sed citra omnem obiectiuam compositionem, superius disp. 2. quæst. 6. expostum est.

39 Duodecimò potest queri pariter, vtrum propositiones etiam negatiua possint de Deo formari. Respondeo posse: sivepe formari de facto; vt, cum dicimus, Deus non est creatura; non est corpus, non est materialis, &c. De quo nullum est dubium.

40 Decimotertiò queri potest. Quare Patres, Theologique communiter dicant, de Deo melius sciri, dicique à nobis, quid non est, quam, quid est. Respondeo; quia ea, quæ remouemus à Deo per propositiones, perque iudicia negatiua: vt, esse creaturam; esse corpus; esse materialem, &c. propinquiora sunt vt plurimū nostris sensibus, eoque iure nobis notiora, quam ea, quæ Deo attribuimus per propositiones, perque iudicia affirmatiua; vt, esse trinum, & vnum, esse omnipotentem, &c.

41 Decimo quartò queri potest, cur Patres

communiter dicant, per nomina eorum, quæ de Deo dicuntur, non significari essentiam Dei, sed, quæ circa essentiam Dei sunt, vel in ipsa inspiciuntur. Respondeo; quia ex nostro communione concipiendi, significandi res, quas concipiimus, non imponuntur illis nomina regulatiter ad significandas essentias earum nudè, præcisè, & expresse sumptas, sed ad significanda concreta ex essentijs, & ex actibus, siue formis eis logicè superaditis coalescentia; ita tamen, vt formas expesijs, siue clarijs, essentia verò velut sub illis contecta confusius, siue obscurius significentur, iuxta doctrinam à nobis tradiram in Pharo Scient. disp. 2. q.4. consecr. 3. & 4. Quo iure talia nomina eiulmodi actus, siue formas, quæ circa essentias sunt, siue in essentijs inspiciuntur, non verò ipsas essentias dicuntur significare; expresse scilicet, siue clarè. Videantur loquitiones Patrum, & cetera adhoc spectantia latè tradita supra disp. 1. q. 10. proposit. 4. & 6. Aliunde tamen iuxta ibi etiam dicta nomen essentie, siue significatiuum essentie dici illud solet, quod impositum est ad illam significandam directè, tam non nudam, sed quasi vestitam, & contentam aliquo, aut aliquibus actibus, siue formis, præsertim, quando istæ sunt primæ, vel ex primis proprietatis eius, prout supra etiam num. 3. 4. dicebamus agentes de nomine *Deus*, quod communiter usurpatur ad significandam modo dicto essentiam diuinam.

Hæc satis, licet alia de Dei nominibus possent inquiri: quippe quæ ex dictis dicendisque in hoc opere de prædicatis, siue de attributis diuinis per nomina ipsa significatis facilissimam expeditionem habere possunt. Atque hucusque dicta etiam sunt satis pro primo hoc claudendo volumine. Cetera enim, quæ sub eadem Methodo de Deo prout uno restant dicenda, in secundo, quod iam Prælo paratur, Deo ipso dante, prædibuntur.

